



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

Quod multum prodest in calamitatibus recolere passiones Christi. ca. 23.

urn:nbn:de:hbz:466:1-35578

Quod multum prodest in calamitatibus recolere passionē Christi.

Caput XXIII.

IN omni autem pressura & afflictione siue mentis siue corporis, commodissimum erit, domini saluatoris labores atq; dolores pro nobis vltro susceptos ad memoriam reuocare, secumq; ratiocinari ac dicere: Quis ego sum, vt aduersis presentium infelicitatum in casibus grauari debeam, cum dominus meus, quamdiu in terris versatus est, non otio delectatus sit, sed fatigatione: non voluptatem vllam corporis appetierit, sed tribulationes & angustias & cruciatus & conuitia & probra ab impijs illata, & acerbissimam atq; despicatissimam crucis mortem? Ille saluandi mei gratia qui perieram, cum deus esset, hominem assumpsit: homo factus nunquam conqueiuit, Iudæam, Galilæam, Samariã peragrando, ignaros instruere, ægros curare, mortuos suscitare, multa mira & incredibilia operari. Cumque in omnibus diues esset, elegit sibi paupertatem, aliorum impensis vitam sustentauit, alicui non usus est hospitio, esuriuit, sitiuit, fatigatus est: fletu pluries legitur, risisse nunquam, Adhuc puer quæsitus est ad necem: deinde adultus, odia semper perpeffus est impiorum, a discipulo venditus ac proditus est, a Iudæis comprehensus & afflictus, & qui peccatum non fecerat, ligatur, accusatur, falso testimonio circumuenitur, conspuitur, a lapis caditur, deluditur, maledicitur, spinis coronatur, harundine verberatur, nudus flagella sustinet, nudus crucem ascendit, in manibus ac pedibus plagas patitur clauorum lanceæ in latere, atq; de tot vulneribus manante cruore totus perfunditur. Cumq; moriens sitiret, aceto felleq; potatur: tam diu consumptus, hostiam se deo patri pro omnibus obtulit. Quis sum ego vt indignus, & iniquo animo feram, si qua mihi calamitas inuidat, si quod incommodum pariat, si qua me inuidorum infestet persecutio, cum præsertim nihil mali mihi inferri

possit, quod peccata mea non merentur? Non ergo gra-
uate perpetiar, quod iuste irrogatur, sed dominum me-
um deprecabor, vt concedat mihi in omnibus patienti-
am, & in ipsa patientia scelerum meorum purgationem
atque veniam: vt qui me dignatus est facere laborum suo-
rum participem, faciat tandem & gloriae consortem,
dicente Apostolo: Sicut socij passionum estis, sic eritis
& consolationis. Et iterum: Si inquit commortui sumus
& conuiuemus; si sustinebimus, & conregnabimus. Igi-
tur siue persecutionis turbo totam inuasit ecclesiam
siue priuata lacesit fuerimus inuidia, siue opes vis ali-
qua rapuerit, siue morbi saeuierint, siue charissimorum
mortes frequentarint, siue aliud aliquid aduersi accide-
rit de omnibus gratias agere nos oportebit, & in om-
nibus confiteri ac dicere. Iustus es domine, & rectum
iudicium tuum. Scriptum est enim: Incepcionem do-
mini ne reprobas, quia ipse vulnerat & medetur, percu-
tit & manus eius sanabunt. Paulus & Syllas in Macedo-
nia virgis caesi, carceri traditi, in vincula coniecti, deo
laudes decantant. Et ipse dominus noster accepto cali-
ce gratias egit, vt nobis documento esset ad persoluen-
das gratias deo, quoribus aduersitate aliqua grauati fue-
rimus atque afflicti. Per calicem enim tribulationes mun-
di huius intelligimus, iuxta illud, Transeat a me calix
iste. Cuius igitur prouidentia cuncta contingunt, illi
de cunctis gratia agantur, vt per hoc probetur, nos
& patientes esse in aduersis, & in prosperis non ingratos.

De impatientiae vitio erga deum.

Caput xxiiij.

ET quoniam vtrius optabilior atque amabilior fit vi-
tium comparatione, restat vt euoluamus impatien-
tiae mala. Per impatientiam murmurauerunt Isra-
elitaegressi de Aegypto, cum esurirent in deserto Syn, &
iterum in Raphadin cum sitirent. Saturauitque illos do-
minus manna de caelo pluyente, & aquis fluentibus de pe-
tra. Vide quam mitis, quam misericors est deus, non con-
tinuo impatientiam nostram punit, sed interdum votis

2. Cori. 13.
1. Tim. 2

Iob. 5.

Act. 16

Exod. 16.
Exod. 17.